



Broj: 02-38-1-1003/18
Lukavac: 18.04.2018.

Na osnovu člana 4. Pravilnika o kriterijima za dodjelu stipendija učenicima i studentima za školsku/akademsku 2017/2018. godinu i Odluke Općinskog vijeća o dodjeli stipendija učenicima srednjih škola i studentima I (prvog) ciklusa studiranja za školsku/akademsku 2017/2018 godinu („Službeni glasnik općine Lukavac broj: 5/18) i člana VI Pravilnika za dodjelu stipendija sportistima („Službeni glasnik općine Lukavac broj: 6/17), Načelnik Općine Lukavac raspisuje:

KONKURS

za dodjelu stipendija učenicima i studentima sa područja općine Lukavac
u budžetskoj 2018. godini

I

Raspisuje se konkurs za dodjelu 116 (stotinušesnaest) stipendija za školsku/akademsku 2017/2018 godinu (budžetsku 2018), kako slijedi:

- 50 (pedeset) stipendija učenicima
- 50 (pedeset) stipendija studentima
- 5 (pet) stipendija nadarenim sportistima učenicima općine Lukavac
- 5 (pet) stipendija nadarenim sportistima studentima općine Lukavac
- 3 (tri) stipendije učenicima osobama sa invaliditetom
- 3 (tri) stipendije studentima osobama sa invaliditetom

II

Stipendije se dodjeljuju za budžetsku 2018. godinu i isplaćivat će se za 9 (devet) mjeseci trajanja školske/akademske godine.

III

Uslovi za dodjelu stipendija su:

- da je kandidat državljanin BiH,
- da kandidat i članovi porodičnog domaćinstva imaju prebivalište na području općine Lukavac,
- da je kandidat redovan učenik/student koji prvi put upisuje školsku/akademsku godinu i
- da nije korisnik stipendije po drugom osnovu.

IV

Pravo na dodjelu stipendija **bez bodovanja** po kriterijima utvrđenim Pravilnikom, ostvaruju učenici generacije iz osnovnih i srednjih škola sa područja općine Lukavac i studenti sa područja općine Lukavac sa prosječnom ocjenom 9 (devet) i više.

V

Pravo učešća na konkursu imaju redovni učenici srednjih škola sa prosjekom ocjena 4 (četiri) i više i redovni studenti I (prvog) ciklusa studija sa području općine Lukavac sa prosjekom ocjena 7 (sedam) i više, a koji nisu korisnici stipendija iz budžeta Vlade Tuzlanskog kantona ili drugih davaoca stipendija.

Strana 1 od 3



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

Stipendije se dodjeljuju proporcionalno po razredima, odnosno godinama studija. Ukoliko iz jednog razreda ili godine studija nema dovoljan broj kandidata, stipendije će se dodijeliti učenicima/studentima drugih razreda/godina studija.

Ukoliko u jednoj kategoriji iz tačke I (jedan) ovog Konkursa nema dovoljan broj kandidata, Komisija može dodijeliti stipendiju u kategoriji gdje je veći broj kandidata nego stipendija.

VI

Stipendija može biti dodijeljena samo jednom učeniku, odnosno jednom studentu iz iste porodice. Ukoliko pravo za dobijanje stipendije ostvare učenik i student iz iste porodice, stipendija se dodjeljuje studentu.

VII

Uz prijavu na konkurs za dodjelu stipendija kandidati su dužni priložiti:

- Zahtjev za dodjelu stipendije;
- Ovjerena Kućna lista izdata od strane nadležnog organa (**napomena:** za sve članove navedene u kućnoj listi dostaviti dokaz o statusu npr: Izvod iz matične knjige rođenih, Uvjerenje škole/fakulteta i Uvjerenje sa Biroa za zapošljavanje Lukavac);
- Ovjerena Izjava da kandidat nije korisnik stipendije po drugom osnovu;
- Uvjerenje o mjestu prebivališta – CIPS obrazac;
- Potvrda škole/fakulteta o redovnom školovanju/studiranju;
- Za učenike I (prvog) razreda srednje škole, svjedočanstvo o završenom devetom razredu osnovne škole;
- Za učenike ostalih razreda srednje škole, svjedočanstvo o završenom prethodnom razredu;
- Za studente I (prve) godine fakulteta, svjedočanstvo o završenom razredu srednje škole ili uvjerenje o prosjeku ocjena u završnom razredu;
- Za studente ostalih godina fakulteta, uvjerenje o prosjeku ocjena iz prethodne godine studija ili ovjerena kopija indexa sa predmetima i ocjenama (**napomena:** ovjerena kopija indexa treba da sadrži: stranicu sa fotografijom i imenom i prezimenom, sa stranicama upisanih predmeta po semestrima i ocjenama je obavezna ukoliko kandidatu u uvjerenju o prosjeku ocjena za prethodnu godinu nije razdvojen prosjek ocjena po godinama studija);
- Uvjerenje Biroa za zapošljavanje o evidenciji nezaposlenih članova domaćinstva, a ako lice nije prijavljeno na Biro za zapošljavanje, uvjerenje ispostave Porezne uprave za sve nezaposlene članove domaćinstva kao dokaz o statusu nezaposlenosti;
- Uvjerenje o pripadnosti boračkoj populaciji;
- Uvjerenje Javne ustanove Centar za socijalni rad Lukavac o priznavanju statusa civilne žrtve rata ili statusa korisnika stalne socijalne pomoći;
- Uvjerenje o prihodima za sve zaposlene članove domaćinstva u posljednja 3 (tri) mjeseca ili tri posljednje platne liste ili potvrda o prosječnoj plaći u posljednja tri mjeseca, tri posljednja penzijska čeka, rješenje o utvrđenoj visini invalidnine iz oblasti BIZ-e, uvjerenje o prihodima po osnovu privredne, uslužne ili druge djelatnosti, dopuskog rada, imovinskih prava i sl.;
- Učenici/Studenti osobe sa invaliditetom su obavezni dostaviti Rješenje o stepenu invalidnosti od „Centra za socijalni rad“ Lukavac.

Uz prijavu na konkurs za dodjelu stipendija sportistima kandidati su dužni priložiti:

- Zahtjev za dodjelu stipendije;
- Ovjerena Kućnu listu izdatu od nadležnog organa (**napomena:** za sve članove navedene u kućnoj listi dostaviti dokaz o statusu npr: Izvod iz matične knjige rođenih, Uvjerenje škole/fakulteta i Uvjerenje sa Biroa za zapošljavanje Lukavac);
- Uvjerenje o mjestu prebivališta – CIPS obrazac;
- Uvjerenje da je učenik/student prvi put upisao odgovarajuću školsku/akademsku godinu u statusu redovnog učenika/studenta;
- Ovjerena Izjava da kandidat nije korisnik stipendije po drugom osnovu;
- Za studente/učenike sportiste Rješenje o registraciji kluba čiji su član;
- Potvrdu o prihodima, potvrdu o nezaposlenosti ili drugu adekvatnu potvrdu o imovnom stanju za svakog punoljetnog člana domaćinstva.

Uz prijavu na konkurs za dodjelu stipendija učenici generacije i studenti sa prosjekom ocjena 9 (devet) i više kandidati su dužni priložiti:

- Zahtjev za dodjelu stipendije;
- Ovjerenu izjavu da kandidat nije korisnik stipendije po drugom osnovu;
- Uvjerenje o mjestu prebivališta – CIPS obrazac;
- Potvrdu škole/fakulteta o redovnom školovanju/studiranju;
- Dokaz kojim potvrđuje da pripada jednoj od dvije navedene kategorije (da je proglašen učenikom generacije odnosno da ima prosjek ocjena 9 (devet) i više što dokazuje potvrdom fakulteta ili ovjerenom kopijom indexa).

NAPOMENA: Svi dokumenti navedeni u ovoj tački moraju biti predati u originalu ili ovjerenj kopiji.

VIII

Konkurs ostaje otvoren 15 (petnaest) dana od dana objavljivanja, a isti će biti objavljen na oglasnoj ploči, web stranici općine Lukavac i lokalnim medijima.

Komisija za dodjelu stipendija razmotrit će pristigle prijave na konkurs, sačiniti zapisnik o radu, izvršiti bodovanje i utvrditi privremenu rang listu kandidata koji ispunjavaju uslove propisane konkursom.

Privremena rang lista kandidata za dodjelu stipendija objavljuje se na oglasnoj ploči i web stranici općine Lukavac.

Na privremenu rang listu se može izjaviti prigovor drugostepenoj Komisiji Općinskog vijeća u roku od 8 (osam) dana od dana objavljivanja iste.

Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.

Nakon rješavanja prigovora općinski načelnik utvrdit će konačnu rang listu kandidata za dodjelu stipendija, koja se objavljuje na oglasnoj ploči i web stranici općine Lukavac.

IX

Neblagovremene i nepotpune prijave neće se uzeti u razmatranje.

Prijave na konkurs sa dokumentacijom dostaviti na adresu:

Općina Lukavac – Općinski načelnik
Komisija za dodjelu stipendija
Trg slobode br. 1, 75300 Lukavac

Ili lično u šalter Sali općine Lukavac (šalter 4. i 5.), svakim radnim danom od 08 – 16:30.

OPĆINSKI NAČELNIK
Dr. Sci. Edin Delić